

EDWINA HENRIQUEZ NOMBRA PA CU LEY DI TRANSPARENCIA DI GOBIERNO

ORANJESTAD (AAN): Dia promé di Januari ultimo, sra. Edwina Henriquez a keda nombrá como funcionario encargá cu e asina yamá, "Wet op de Openbaarheid van Bestuur" (WOB), esta e Ley di Transparencia di Gobierno. Ta e intencion pa pasa e Ley di Transparencia aki dia promé di Januari 1998. Na momento cu e Ley di WOB keda implementá lo bin un relacion totalmente nobo entre Gobierno y e ciudadano na Aruba. A base di e Ley aki e ciudadano por pidi pa waak diferente documento di Gobierno. Gobierno mester atené su mes na e ley cu ta indicá cu e ciudadano cu hasi un peticion pa mira of haya un documento di Gobierno, mester haya contesta riba su peticion dentro di cuatro siman. Si esey no sosodé debidamente e ciudadano por busca su derecho serca Juez.

E importancia di e Ley di Transparencia aki ta cu elo trece un cambio di mentalidad, tanto pa Gobierno como pa e ciudadano di Aruba. Gobierno lo bira mas consiente di su responsabilidad pa hiba un maneho di transparencia den su Gobernacion y e ciudadano lo bira mas alerta riba su derencionan pa ser informá.

Gobierno di Aruba a apuntá sra. Edwina Henriquez como funcionario di WOB, siendo un profesional ariba e tereno di comunicacion. Sra. Henri-



quez despues di a traha varios aña como secretaria ehecutiva tanto na Gobierno na Aruba como Hulanda, a bai studia como periodista na e conocido "School voor de Journalistiek en Voorlichting" na Utrecht na unda ela graduá na 1993 como journal-

ta bin di Aruba pa trato medico avansá na Hulanda. Despues di e vacatura na Arubahuis na April 1995, ela keda apuntá como "Persvoorlichter" na Cas di Aruba, y tabatin contacto cu medionan di comunicacion tanto Hulandes como Arubiano. E tabatin entrevista cu diferente politico y personanan prominente na Hulanda, a skirbi y guia e

proceso di e corant Arubahuis, "Noticiero Aruba" cu ta ser lesá pa mas di binti mil persona na Hulanda.

Prome di a bolbe Aruba, ela core un stage cortico na diferente instancia di Gobierno na Hulanda, pa pone su mes debidamente na haltura con e Ley di WOB ta funcioná na Hulanda, na unda WOB a ser introduci na 1980.

iste. Despues di su estudio Edwina a bolbe na Arubahuis, y a eherce e funcion di trahador social pa un aña y mei. Den e funcion aki, e tabata encargá pa "vang op", acomodá y guia patientnan cu